

中国古代篆字精典丛书

增广贤文

- 注解
- 拼音
- 插图



成都出版社

前 言

几百年来,有关启蒙教育的读物可谓不少,但流传至今的如《菜根谭》、《三字经》、《声律启蒙》等一些言简意赅,通俗易懂、且朗朗上口并深受广大读者接受和喜爱的读物并不多。

本套丛书收集中国古代蒙学的精华,让人们在阅读“云对雨 雪对风 晚照对晴空 来鸿对去燕 宿鸟对鸣虫……”、“涉世浅,点染亦浅;历事深,机械亦深。故君子与其练达,不若朴鲁;与其曲谨,不若疏狂。……”的名篇绝句中去领悟“修身、齐家、报国”的真谛,以此来提升自己的性格、文化及修养。因此,这些书对继承和弘扬祖国优秀的民族文化遗产,对当代人进行传统文化、传统美德的宣传与教育都大有好处。

本套丛书共分8册:内容涉及《声律启蒙》、《千家诗》、《百家姓》、《幼学琼林》、《三字经》、《增广贤文》、《朱子家训》、《菜根谭》。该套书具有一定的阅读、参考、研究、收藏价值。

当然,在这些读物中也免不了打上时代的烙印,其中一些宣扬封建的伦理道德或消极处世的人生哲学的观念是不足取的,望读者取其精华,去其糟粕,正确对待,适当取舍。

编者

一九九五年九月

目 录

- 增广便读昔时贤文 (1)
- 名贤集 (46)
- 处世名言集 (57)
- 重订增广 (87)
- 千字文注音 (135)

增广便读昔时贤文

清·佚名 撰

昔时贤文，
诲汝谆谆。
集韵增广，
多见多闻。
观今宜鉴古，
无古不成今。
知己知彼，
将心比心。
酒逢知己饮，
诗向会人吟。
相识满天下，
知心能几人。

相逢好似初相识，
到老终无怨恨心。
近水知鱼性，
近山识鸟音。
易长易退山谿水，
易反易复小人心。
运去金成铁，
时来铁似金。
读书须用意，
一字值千金。
逢人且说三分话，
未可全抛一片心。
有意栽花花不发，
无心插柳柳成荫。
画虎画皮难画骨，
知人知面不知心。
钱财如粪土，
仁义值千金。

流水下滩非有意，
白云出岫本无心。
当时若不登楼望，
谁信东流海样深。
路遥知马力，
事久见人心。
两人一般心，
有钱堪买金。
一人一般心，
无钱堪买针。
相见易得好，
久住难为人。
马行无力皆因瘦，
人不风流只为贫。
饶人不是痴汉，
痴汉不会饶人。
是亲不是亲，
非亲却是亲。

美不美，

乡中水；

亲不亲，

故乡人。

莺花犹怕春光老，

岂可教人枉度春。

相逢不饮空归去，

洞口桃花也笑人。

红粉佳人休便老，

风流浪子莫教贫。

在家不会迎宾客，

出外方知少主人。

黄金无假，

阿魏无真。

客来主不顾，

自是无良宾。

良宾主不顾，

应恐是痴人。

贫居闹市无人问，
富在深山有远亲。
谁人背后无人说，
哪个人前不说人。
有钱道真语，
无钱语不真。
不信但看筵中酒，
杯杯相劝有钱人。
闹里有钱，
静处安身。
来如风雨，
去似微尘。
长江后浪催前浪，
世上新人赶旧人。
近水楼台先得月，
向阳花木易为春。
古人不见今时月，
今月曾经照古人。

先到为君，
后到为臣。
莫道君行早，
更有早行人。
莫信直中直，
须防仁不仁。
山中有直树，
世上无直人。
自恨枝无叶，
莫怨太阳偏。
大家都是命，
半点不由人。
一年之计在于春，
一日之计在于寅。
一家之计在于和，
一生之计在于勤。
责人之心责己，
恕己之心恕人。

守口如瓶，
防意如城。
宁可负我，
切莫负人。
再三须重事，
第一莫欺心。
虎生犹可近，
人熟不堪亲。
来说是非者，
便是是非人。
远水难救近火，
远亲不如近邻。
有钱有酒多兄弟，
急难何曾见一人。
人情似纸张张薄，
世事如棋局局新。
山中也有千年树，
世上难逢百岁人。

力微休负重，
言轻莫劝人。
无钱休入众，
遭难莫寻亲。
平生莫作皱眉事，
天下应无切齿人。
士者国之宝，
儒为席上珍。
若要断酒法，
醒眼看醉人。
求人须求大丈夫，
济人须济急时无。
渴时一滴如甘露，
醉后添杯不如无。
久住令人贱，
贫来亲也疏。
酒中不语真君子，
财上分明大丈夫。

出家如初，
成佛有余。
积金千万两，
不如多买经书。
养子不教，
不如养驴。
养女不教，
不如养猪。
有田不耕仓廩虚，
有子不教子孙愚。
仓廩虚兮岁月乏，
子孙愚兮礼义疏。
共君一夕话，
胜读十年书。
人不学古今，
马牛而襟裾。
茫茫四海人无数，
那个男儿是丈夫。

白酒酿成延^好客，
黄金散尽为收书。
救人一命，
胜造七级浮屠。
城门失火，
殃及池鱼。
庭前生瑞草，
好事不如无。
欲求生富贵，
须下死工夫。
百年成之不足，
一旦坏之有余。
人心似铁，
官法如炉。
善化不足，
恶化有余。
水太清则无鱼，
人太察则无谋。

知者減半，
省者全無。
在家從父，
出嫁從夫。
痴人畏婦，
賢女敬夫。
是非終日有，
不聽自然無。
寧可正而不足，
不可邪而有余。
寧可信其有，
不可信其無。
竹籬茅舍風光好，
道院僧房總不如。
命里有時終須有，
命里無時莫強求。
道院迎仙客，
書堂隱相儒。

庭栽栖凤竹，
池养化龙鱼。
结交须胜己，
似我不如无。
但看三五日，
相见不如初。
人情似水分高下，
世事如云任卷舒。
磨刀恨不利，
刀利伤人指。
求财恨不多，
财多恐害己。
知足常足，
终身不辱。
知止当止，
终身不耻。
有福伤财，
无福伤己。

差之毫厘，
失之千里。
若登高必自卑，
若涉远必自迩。
三思而行，
再思可矣。
使口不如自走，
求人不如求己。
小时是兄弟，
长大各乡里。
妒财莫妒食，
怨生莫怨死。
人见白头嗔，
我见白头喜。
多少少年亡，
不见白头死。
墙有缝，
壁有耳。

好事不出门，
恶事传千里。
贼是小人，
智过君子。
君子固穷，
小人穷斯滥矣。
贫穷自在，
富贵多忧。
不以我为德，
反以我为仇。
宁向直中取，
不可曲中求。
人无远虑，
必有近忧。
知我者，
谓我心忧。
不知我者，
谓我何求。